

SPORAZUM O SARADNJI
između Grada Cazina
i Vijeća mladih Grada Cazina



Grad Cazin, maj 2021.godina

Na osnovu Zakona o mladima Federacije Bosne i Hercegovine, Evropske povelje o učešću mladih na lokalnom i regionalnom nivou, Ustava BiH, Ustava Federacije BiH, Ustava Unsko-sanskog kantona, Statuta Grada Cazina,

**VIJEĆE MLADIH GRADA CAZINA kojeg zastupa predsjednik Adis Abdić i
GRAD CAZIN, koju zastupa GRADONAČELNIK GRADA CAZINA Nermin Ogršević, dana 24.05.2021.
godine potpisuju:**

SPORAZUM O SARADNJI

Član 1.

Sporazum između Grada Cazina i Vijeća mladih Grada Cazina koje djeluje na području Grada Cazina («strane potpisnice ovog sporazuma») predstavlja njihovo opredjeljenje da se, dugo vremena podržavani rad i razvoj omladinskog nevladinog sektora na ovoj teritoriji, uredi ovim aktom u cilju da se, na osnovama zajedničkih vrijednosti koje ostvaruje omladinski nevladin i javni sektor, uspostave jasne, efikasne i transparentne procedure međusobne saradnje i partnerstva.

Član 2.

Strane potpisnice ovog sporazuma su saglasne da u međusobnoj saradnji i partnerstvu promovišu i zagovaraju principe i vrijednosti koje su temelj demokratskom društvu, koje jačaju učešće i uključivanje mladih ljudi na svim nivoima, a odnose se na:

- učešće mladih u odlučivanju;
- solidarnost, toleranciju, uvažavanje različitosti, socijalnu pravdu i ravnopravnost spolova;
- transparentnost, odgovornost i učinkovitost;
- pružanje jednakih mogućnosti za sve mlade;
- promociju i poticanje aktivizma i volonterizma mladih;
- uvažavanje različitih formi institucionalnog djelovanja;
- uvažavanje i provođenje prava mladih posebno definisanih Zakonom o mladima FBiH i drugim poveljama i aktima poput Evropske povelje o učešću mladih na lokalnom i regionalnom nivou;
- provođenje Člana 14 i Člana 27 Zakona o mladima Federacije Bosne i Hercegovine.

Član 3.

Strane potpisnice ovog sporazuma su saglasne da uspostave saradnju koja se odnosi na:

- utvrđivanje i definiranje mjera i preporuka u vezi sa radom s mladima i omladinskim aktivnostima;
- jačanje volonterizma među mladima i njihovog dobrovoljnog angažmana u aktivnostima u vezi sa pitanjima mladih;
- izradu i provođenje politika i strategija koje promoviraju pozitivne trendove po mlade i koje doprinose poboljšanje statusa i položaja mladih ljudi;
- doprinos održavanju i stvaranju pozitivnih životnih uvjeta za mlade, kao i okruženja koje je ugodno za mlade;

- provođenje principa nediskriminacije, solidarnosti i etičnosti u svim aktivnostima koje se tiču pitanja mladih;
- uključivanje mladih u procese donošenja odluka koje se tiču mladih na lokalnom nivou i provođenje Zakona o mladima Federacije Bosne i Hercegovine.

Član 3.

OBAVEZE VIJEĆA MLADIH GRADA CAZINA (definisane Zakonom o mladima FBiH):

- Vijeće mladih ima obavezu da aktivno daje doprinos izgradnji i njegovanju društvenih vrijednosti mladih i razvoju lokalne zajednice;
- Vijeće mladih će legitimno predstavljati i zastupati interese mladih i omladinskih organizacija;
- Vijeće mladih biti će direktno uključeno u procese izrade i provođenja Strategije za mlade, s ciljem doprinosa usvajanju politika prema mladima i njenom provođenju;
- Vijeće mladih biti će uključeno u provođenje programa djelovanja za mlade na lokalnom nivou;
- Vijeće mladih baviti će se provođenjem zajedničkih projekta za mlade u saradnji sa Gradom;
- Vijeće mladih baviti će se politikama koje se posredno dotiču mladih i koje utječu na opći razvoj i prosperitet, te opću društvenu dobrobit, kao i svim ostalim pitanjima koja se posredno odnose na mlade;
- Vijeće mladih delegirati će svoje predstavnike u stručna radna tijela i komisije na lokalnom nivou, a koja se tiču mladih ljudi.

Član 4.

Vijeće mladih Grada Cazina će davati nesebičnu podršku projektima koji se tiču mladih ali i svim projektima koji su od interesa za širu društvenu zajednicu u saradnji sa Gradom Cazinom.

Član 5.

Grad Cazin osigurati će minimum mjera na planu rada s mladima i omladinskim aktivnostima, kao i ispoštovati mehanizme i kapacitete Člana 14. Zakona o mladima Federacije Bosne i Hercegovine, a s ciljem unaprijeđenja razvoja mladih i omladinskih organizacija na lokalnom nivou bez diskriminacije po bilo kom osnovu.

Član 6.

Grad Cazin će nastojati da uključi Vijeće mladih prilikom usvajanja i implementacije:

- Određene sektorske politike prema mladima;
- Programa djelovanja za mlade;
- Strategije za mlade;
- Dijelova budžeta koji se tiču pitanja mladih;
- Strategije razvoja općine.

Član 7.

Vijeće mladih Grada Cazina kao potencijalni korisnik dijela sredstava budžeta općine, koji se odnosi na pitanja mladih dužno je dostaviti finansijski i narativni izvještaj Gradu o namjenskom utrošku odobrenih sredstava, pridržavajući se procedura Grada Cazina ukoliko sredstva budu odobrena. Grad Cazin vršiti će kontrolu o utrošku dodjeljenih sredstava Vijeću mladih.

Član 8.

Strane potpisnice ovog Sporazuma će maksimalno težiti uspostavljanju i održavanju partnerskih odnosa, sa naglaskom na poštivanje principa efikasnosti i izvršavanju dogovorenih ciljeva.

Član 9.

Grad Cazin obavezuje se da će pripremiti i informisati zaposlenike gradskog organa uprave kako bi bili spremni transparentno i kvalitetno uspostaviti partnerski odnos sa Vijećem mladih Grada Cazina.

Član 10.

Grad Cazin i Vijeće mladih Grada Cazina će minimum jednom godišnje vršiti monitoring potpisanog Sporazuma o saradnji.

ZAVRŠNE ODREDBE

Član 11.


Ovaj Sporazum stupa na snagu danom potpisivanja. Ovaj Sporazum je napravljen u četiri primjerka gdje svaka strana zadržava po dva primjerka.

Cazin, 24.05.2021. godine

Broj: 01/GN-04-6598/21

GRAD CAZIN
GRADONAČELNIK GRADA CAZINA
Nermin Ogršević

VIJEĆE MLADIH GRADA CAZINA
PREDSJEDNIK VIJEĆA MLADIH
Adis Abdić



The image shows two handwritten signatures and two official seals. The seal on the left is circular and contains the text 'GRADONAČELNIK GRADA CAZINA' and '23. 5. 2021.'. The seal on the right is also circular and contains the text 'VIJEĆE MLADIH GRADA CAZINA' and 'VAGC'.